



Ampliashon di eskoho di nòmber: fam kombiná

Ta importante pa tin un fam; esaki ta bisa algu tokante ken bo ta i na ken bo ta pertenesé.

Entrante promé di yanüari 2024 a amplia e opshonnan pa skohe un fam. Mayornan for di e momento ei tambe tin e posibilidat di skohe pa un kombinashon di nan dos famnan komo fam pa nan yu.



Ken por skohe pa un fam kombiná?



Muchanan ku a nase entrante promé di yanüari 2024

E eskoho pa un fam kombiná ta bira posibel pa mucha ku a nase for di promé di yanüari 2024. Durante di e embaraso, na momento di deklarashon di nasementu òf ora di rekonosementu di e yu, mayor huntu por duna nan preferensia pa un fam kombiná serka e munisipio. E eskoho ta un solo biaha i e lo konta tambe pa tur yu ku ta sigui. E eskoho pa un fam kombiná, no ta nifiká ku e outoridat di mayor ta kambia.







Muchanan ku a nase despues di promé di yanüari 2016; Areglo di transishon

Mayornan di kua tur yu a nase despues di promé di yanüari 2016 por laga adaptá e fam pa un fam kombiná. E adaptashon ta posibel solamente pa tur yu huntu.

Kua kombinashon ta posibel

Nos ta duna algun ehèmpel di e posibilidatnan pa ku un fam kombiná.




* Mayoria hende tin un solo fam pero sa pasa ku ya kaba un hende tin fam dòbel. Den e kaso aki ta mira e famnan aki komo 1 fam.

Den kaso di adopshon tin otro kombinashon posibel

Si e mayornan (adoptivo) pa nan promé yu a skohe pa e fam di un di nan òf pa un kombinashon di esakinan, un siguiente yu adoptivo tambe por haña e nòmber ei. Banda di esei nan por skohe pa e nòmber original di e yu adoptivo. Finalmente nan por kombiná (un parti di) e fam original di e yu adoptivo ku e fam ku a skohe anteriormente di un di nan dos. Diferente yu adoptivo den e famia pues por tin e mésun fam, òf diferente fam.

Ehèmpel di opshon di nòmber ora ta adoptá



Disclaimer: no por derivá derechonan na e infographic aki.

Kiko ta e kantidat máksimo di nòmber ku por pasa?

Tin un máksimo di dos parti di nòmber na e areglo aki. Si persona ku tin un fam kombiná mes haña yu, pa e yunan aki tambe nan por skohe un total di maksimalmente dos parti di nòmber. E ora ei tin parti di nòmber ku lo vense pa yega na e fam kombiná.

